

152. löggjafarþing 2021–2022.
Þingskjal 1052 — 678. mál.
2. umræða.

Breytingartillaga

við frumvarp til laga um breytingu á lögum um tekjuskatt, lögum um almannatryggingar og lögum um húsnæðisbætur (mótvægisáðgerðir vegna verðbólgu).

Frá Guðmundi Inga Kristinssyni, Ásthildi Lóu Þórsdóttur, Eyjólfí Ármannssyni, Helgu Þórðardóttur, Jakobi Frímanni Magnússyni og Tómasi A. Tómassyni.

Í stað orðanna „3,0% frá 1. júní 2022“ í 2. gr. komi: 4,5% frá 1. janúar 2022.

Greinargerð.

Frumvarpið felur í sér að bætur almannatrygginga skuli hækkaðar um 3,0% frá og með 1. júní 2022. Sú uppfærsla á samkvæmt greinargerð frumvarpsins að milda áhrif verðbólgu á lífeyrisþega almannatrygginga.

Þegar litið er til þess að lífeyrisþegar almannatrygginga hafa orðið fyrir mikilli kjaragliðun vegna þess að fjárhæðir almannatrygginga hafa ekki fylgt launaþróun verður að telja að 3% hækkun dugi engan veginn til að rétta hlut þeirra. Stjórnvöld lofuðu auk þess endurskoðun almannatryggingakerfisins en ljóst er að þeirri endurskoðun verður ekki lokið í brád. Því þykir rétt að hækka fjárhæðir almannatrygginga umfram tillögu ríkisstjórnarinnar, eða um 4,5%, og láta þá hækkun gilda afturvirktt frá síðustu áramótum, enda hefur verðbólga mælst umfram spár undanfarna mánuði.